

Bioamrywiaeth ar waith

Sefydliad arweiniol: Ymddiriedolaeth
Bywyd Gwylt Gogledd Cymru

E-bost:
acljones@wildlifetrustswales.org

Dyfarniad Grant: £388,438

Lleoliad:
Wardiau Gwledig Holt a Marchwiel

Ffocws y prosiect hwn yw Ystad Ddiwydiannol Wrecsam sy'n lleoliad mawr (550ha) a gwledig. Gweledigaeth Ymddiriedolaeth Bywyd Gwylt Gogledd Cymru yw sicrhau bod y dirwedd o fewn yr ystad ddiwydiannol ac o'i hamgylch yn fwy croesawgar i fywyd gwylt, yn haws i bobl gael mynediad ato ac yn fwy deniadol i fusnesau. Dymunir hefyd wella lechyd a lles gweithwyr a chymunedau cyfagos. Maent yn cyflawni hyn drwy gydweithio â busnesau lleol, partneriaid, gweithwyr a'r gymuned leol fel bod y lleoliad yn fwy cynhwysol ac o fudd i bawb.

Bydd y prosiect yn rhoi blaenoriaeth i weithgareddau gwella ar y tir ac yn datblygu cynllun strategol ar gyfer y dirwedd er mwyn helpu i gynnal a chyflawni gwelliannau a manteision at y dyfodol. Bydd pwyslais ar seilwaith gwyrdd gan gynnwys plannu blodau gwylt, adfer llwybrau cyhoeddus, plannu coed cynhenid, plannu perthi a dangos technegau peirianeg feddal a fydd yn helpu i gadw dŵr wyneb a gwella coridorau bywyd gwylt. Bydd hyn hefyd yn creu lle mwy dymunol i weithwyr yn yr ardal.

Mae ymgysylltu â'r cymunedau lleol cyfagos a chynnig cyfleoedd gwirfoddoli yn rhan o ddull hirdymor y prosiect. Y nod yw creu ymdeimlad o berchenogaeth o'r dirwedd ymhlith y bobl sy'n gweithio, yn byw ac yn mwynhau cyfleoedd hamdden yr ardal.



Mae gweithgareddau'r prosiect yn cynnwys agor gwarchodfeydd natur cyhoeddus, gosod ardaloedd picnic, plannu perllannau, gosod arwyddion, lleihau sbwriel, gosod cerfluniau trawiadol, plannu blodau gwylt lliwgar mewn lleiniau a chylchfannau, gwella mynediad a llwybrau a hefyd ennyn brwdfrydedd pobl ynghylch yr ystad.

Mae'r prosiect hefyd yn cynnig cymorth corfforaethol i fusnesau sy'n dymuno cefnogi gwelliannau amgylcheddol mewn ffyrdd amgen ar eu safleoedd. Mae'r prosiect yn cynnig 'Partneriaethau Naturiol' er mwyn helpu busnesau i wireddu manteision cynnwys manau gwyrdd ar eu safleoedd. Y nod yw cydweithio ag amryfal fusnesau a chwmnïau lleol ar draws yr ystad, er mwyn datblygu cynlluniau rheoli hirdymor i weithredu atebion seiliedig ar natur ar gyfer gwella cynefinoedd a manau amwynder. Gobeithir hefyd fynd i'r afael â phroblemau cymdeithasol ac amgylcheddol ehangach, cefnogi lles a chynhyrchiant staff, lleihau costau a dwyn ynghyd yr economi, y gymdeithas a'r amgylchedd.

Mae'r prosiect yn bwriadu cynnal cyfres o ddiwyddiadau er mwyn cyflwyno ochr mwy gwyllt Ystad Ddiwydiannol Wrecsam ac maent eisoes yn rheoli dwy ardal o fewn yr ystad ddiwydiannol sydd â mynediad i'r cyhoedd, gan agor llwybrau cerdded ar gyfer ymwelwyr a gweithwyr fel y gallant ddarganfod a gwneud ymarfer corff.

Mae'r prosiect yn llwyddo i gyflawni atebion sy'n seiliedig ar natur er mwyn helpu i hyrwyddo bioamrywiaeth a lles cymdeithasol a hefyd ymgysylltu ar draws y safle anarferol yma.



Cynyddu Mynediad at Fannau Awyr Agored: Datblygu seilwaith gwyrdd a mynediad i ymwelwyr mewn sawl safle gan osod llwybrau wedi'u marcio, meinciau, 10 o fyrddau picnic, gorsafoedd bwydo adar, gwestai chwilod ac arwyddion. Mae gwerth 3.5km o lwybrau mynediad wedi cael eu creu neu eu hadfer

Adfer cynefinoedd: plannu perllannau, gosod perthi, gan greu gwerth 600m o leiniau bywyd gwyllt ac 8 o gylchfannau blodau gwyllt, rheoli gweirgloddiau drwy hau a thorri a phlannu 2500 o blanhigion cyrs ar lannau ystum yr Afon Dyfrdwy er mwyn cynnal y 1000 o rywogaethau sydd i'w cael yn yr ardal

Meithrin trefniadau cydweithredu a phartneriaethau: ymgysylltu â hyd at 200 o randdeiliaid; aelodau o'r cymunedau, busnesau, ffermwyr a thirfeddianwyr, grwpiau cymunedol a sefydliadau amgylcheddol a chadwraeth lleol sy'n derbyn cyngor, cyfarwyddyd a gwybodaeth drwy'r prosiect


Rhaglenni Gwirfoddolwyr: mae 125 o wirfoddolwyr wedi'u cofrestru i gyflawni gwaith codi sbwriel, adfer perthi, plannu coed, tirweddu, adfer ardaloedd mynediad a chreu cynefinoedd tra'n cefnogi lechyd a lles y gymuned leol

Rheoli a Phlannu Coetiroedd: Creu a chefnogi 9ha o goetiroedd drwy blannu 600 o goed cynhenid, creu coedlannau a llanerchi, gosod blychau nythu, creu perllannau a gwella coetiroedd ar gyfer bywyd gwyllt, mapio coed presennol a gosod Gorchmynion Diogelu Coed lle y bo'n briodol

Pori Cynaliadwy: pori dwysedd isel mewn safleoedd strategol gyda bridiau cynhenid sy'n anelu at leihau uchder y tyweirch glaswellt er mwyn galluogi blodau gwyllt i dyfu gydol misoedd y gwanwyn a'r haf

Creu Swyddi a Hyfforddiant: Hyfforddiant codi ymwybyddiaeth o'r Gymraeg a chysiau ynghylch diogelwch ar ddŵr wedi'u cynnal, gan ddiogelu 3 o swyddi. Y nod ehangach yw sicrhau twf economaidd yr ystad ddiwydiannol


Trosglwyddo Gwybodaeth ac Arloesi (KT&I): Cynnal gwerthusiad yn seiliedig ar egwyddorion Enillion Cymdeithasol ar Fuddsoddiad, fframwaith ar gyfer mesur a chyfrif am y cysyniad llawer iawn ehangach hwn o werth; y nod yw lleihau anghydraddoldeb a dirywiad amgylcheddol a gwella lles drwy gynnwys costau a manteision cymdeithasol, amgylcheddol ac economaidd



Dal a Storio Carbon – caiff hyn ei gyflawni drwy blannu perllannau, gosod ac adfer perthi, plannu blodau gwyllt a choed, rheoli gweirgloddiau, creu cynefinoedd, creu a chefnogi coetiroedd, bondocio, creu llennyrch, mapio coed presennol a phori cynaliadwy.



Addasu i'r Newid yn yr Hinsawdd – caiff hyn ei gyflawni drwy blannu perllannau, gosod ac adfer perthi, plannu coed, rheoli gweirgloddiau, creu cynefinoedd, creu a chefnogi coetiroedd, bondocio, creu llennyrch a phori cynaliadwy.



Gwell Bioamrywiaeth – caiff hyn ei gyflawni drwy orsafoedd bwydo adar a bocsys nythu, gwestai chwilod, plannu perllannau, creu ac adfer perthi, plannu blodau gwyllt, cyrs a choed, codi sbwriel, creu cynefinoedd, creu a chefnogi coetiroedd, creu llennyrch a phori cynaliadwy.



Cadernid Ecosystemau – caiff hyn ei gyflawni drwy orsafoedd bwydo adar a bocsys nythu, gwestai chwilod, plannu perllannau, creu ac adfer perthi, plannu blodau gwyllt, cyrs a choed, codi sbwriel, creu cynefinoedd, creu a chefnogi coetiroedd, creu llennyrch a phori cynaliadwy.



Iechyd a Lles – caiff hyn ei gyflawni drwy greu ac adfer llwybrau mynediad, cyfleoedd gwirfoddoli ym maes cadwraeth, tirweddu a chynnal gwerthusiad ar sail Enillion Cymdeithasol ar Fuddsoddiad.



Cydluniant Cymunedol – caiff hyn ei gyflawni drwy greu ac adfer llwybrau mynediad, ymgysylltu â rhanddeiliaid, cynnig cyngor a chyfarwyddyd i gymunedau lleol, cyfleoedd gwirfoddoli ym maes cadwraeth, hyfforddiant ymwybyddiaeth o'r Gymraeg, diogelu swyddi a chynnal gwerthusiad ar sail egwyddorion Enillion Cymdeithasol ar Fuddsoddiad.



Treftadaeth a Sgiliau Gwledig – caiff hyn ei gyflawni drwy hyfforddiant i godi ymwybyddiaeth o'r Gymraeg, cyfleoedd gwirfoddoli ym maes cadwraeth, gosod ac adfer perthi, plannu blodau gwyllt a choed, rheoli gweirgloddiau, tirweddu, bondocio a chreu llennyrch.



Datblygu Arbenigedd a Chapasiti Sgiliau – caiff hyn ei gyflawni drwy ymgysylltu â rhanddeiliaid, cynnig cyngor a chyfarwyddyd i gymunedau lleol, hyfforddiant codi ymwybyddiaeth o'r Gymraeg, cynnal cyrsiau ymwybyddiaeth o ddiogelwch wrth ddŵr, a chynnal gwerthusiad sy'n seiliedig ar egwyddorion Enillion Cymdeithasol ar Fuddsoddiad. Cydweithio ag amryfal fusnesau a chwmnïau lleol ar draws yr ystad.

Cymryd Rhan – Os hoffech ddysgu mwy neu gymryd rhan yng ngwaith Ymddiriedolaeth Natur Gogledd Cymru, mae rhagor o wybodaeth ar gael yn: